



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 53. Senensis Urbis expugnatio scalarum ope incassum tentata.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI.
A.C. 1554.

ge magis propitia eidem arridebat, cum Monteregium invaderet; hanc enim urbem ex proditione Joannini Zethi, quem Strozzius cum valido præsidio urbi imposuerat, Gallis feliciter eripuit, simulque ob magnam Pompæi Crucei Gubernatoris natione Mediolanensis ignaviam Casolium in deditionem accepit. Postea continuato victoriarum cursu Hispani ductore Carolo Gonzaga Montemrotundum aggressi, impetu facto hanc urbem occuparunt, eamque diripuerunt, moxque Massam oppidum Monterotundo sat vicinum, necnon illius arcem & postea Girifalconium, Trabale, Pratam, & Talium ceperunt, quo facto Senensium res in arcto positæ erant, quamvis cives affirmarent, quod potius inedia mori, quam Franciæ Regis fidem deserere parati essent.

§. LIII.

Senensis urbis expugnatio scalarum ope incassum tentata.

Thu. l. 14.
Pallav.
l. 13. c. 10.

Nihilominus hæc urbs ad miseram prorsus conditionem erat redacta; quippe tanta in urbe erat annonæ penuria, ut in dies nonnisi novem uncie panis viritim distribuerentur: juncto tamen libertatis servandæ studio cives ita accendebantur, ut extrema quæque subire potius parati essent, quam de deditione

ditione agere, quamdiu auxilii spes i-
psis affulgere videbatur. Quapropter
Cosmas Florentiæ Dux tam diuturni
belli sumptibus impar Manrium sollici-
tabat, quatenus Marinianum Marchio-
nem urgeret, ut obsidioni finem impo-
neret, atque impetu facto urbem sine
cunctatione aggrediretur: prius vero
Belliducibus placuit tentare, an scalis
noctu ex improvise admotis res perfici
posset: unde hujus consilii executioni
die vigesima quinta Decembris post pri-
mam a media nocte horam initium da-
batur; ast infausto prorsus fato accidit,
quod scalæ, quam oporteret, breviores
essent, ut proin Germanorum pauci ad-
modum in urbem penetrare possent,
quos nullo ferme negotio Senenses re-
pellebant, cunctosque hostium conatus
strenue eludebant, eorum virtutem ac-
cidente Joanne Galleatio Sanseverino
Gajacii Comite, qui ad urbis portam
consistens illos ad invictam urbis suæ
defensionem animabat: interea Montlu-
cius cum centum quinquaginta facibus
mox ad urbis portam accurrens suis o-
pem ferebat, præmissoque Bentivolio
hostem jam victoria exultantem aggre-
di præcepit: Equidem Marinianus, ar-
ce capta cum Hispanis, ac Germanis se
venturum promiserat: ast serius adven-
tabat, unde extracto ad auroram usque

Sæcul. XVI.
A.C. 1554.

Sæc. XVI.

A.C. 1554.

certamine tandem receptui canere, ac non sine suorum clade recedere cogebatur: nec tamen inde animo fractæ Cæsaris copiæ non jam in astu, vel infidiis rebus suis præsidium quærebant, sed Gallos aperto Marte debellare cæperunt.

§. LIV.

Triples exercitus a Galliarum Rege in aciem educus.

Thu. 1.3. n.9.

Belc comm.

l. 26. n.45.

Altera ex parte Galliarum Rex bellum in Belgio Cæsari inferre moliebatur, ac die decima octava Junii Crassiaci in Laudunensi ditone totum exercitum contraxit, utque hostem ad distrahendas vires suas cogeret, ipse quoque suas copias in tria divisit agmina, quorum primum, idque validissimum Montmorentius Connestabilis ducebat, ad Estreæ Pontem progredi iussus, ut Avennas petiturus ab hoste crederetur. Alteri imperabat Santandreas Marefcallus, qui per vias terreo aggere tetas Mariaburgo, quod oppidum Rex præprimis aggredi constituerat, copias suas admovere jubebatur. Tertio denique agmini Nivernius Dux præfiebatur, dato eidem negotio, vi cujus per Arduenam Sylvam in Mosam decurreret, omnesque arces circumvicinas caperet, ut navigationem ab hostium in-